

LAPORAN FESTIVAL BAHASA 5.0


**NURULNABILAH ABDUL AZIZ, SYAHIRAH ALMUDDIN, NORSHIDA HASHIM
& SITI NUR DINA HAJI MOHD ALI**

AKADEMI PENGAJIAN BAHASA, UiTM KAMPUS KUALA PILAH

Akademi Pengajian Bahasa UiTM Cawangan Negeri Sembilan Kampus Kuala Pilah sekali lagi telah meneruskan tradisi dengan mengadakan program Festival Bahasa 5.0. Program ini merupakan sebuah program akademik dengan tujuan untuk mempertingkatkan pengetahuan bahasa dalam kalangan pelajar dengan lebih efektif dan menyeronokkan. Program kolaborasi antara Eagles English Club dan Persatuan Bahasa Arab UiTM Kampus Kuala Pilah ini dilaksanakan pada setiap semester.

Pada semester Mac - Ogos 2022, Persatuan Bahasa Arab (PBA) UiTM Cawangan Negeri Sembilan, Kampus Kuala Pilah di bawah pimpinan Puan Syahirah Almuddin dan Puan Norshida Hashim selaku penasihat Persatuan Bahasa Arab (PBA) bersama dengan ahli jawatankuasa pelaksana Festival Bahasa 5.0 telah menjadi teraju utama bagi program kali ini. Ahli jawatankuasa pelaksana adalah di bawah pimpinan Mohamad Anas Syahmi bin Asrul Iskandar selaku pengarah program dan Nur Shuhada binti Ikhwan selaku timbalan pengarah program. Program ini turut dijayakan Puan Nurulnabilah Abdul Aziz dan Puan Siti Nur Dina Haji Mohd Ali selaku penasihat Kelab EAGLES merangkap penyelaras bersama bagi festival bahasa ini khususnya bagi aktiviti-aktiviti yang melibatkan kategori Bahasa Inggeris.

Program Festival Bahasa 5.0 telah diadakan pada 4 April hingga 24 Jun 2022 iaitu selama dua bulan bagi membolehkan setiap peserta membuat persediaan rapi dan menghantar hasil tugas yang lengkap terutamanya video bagi kategori pertandingan yang telah disertai. Penganjuran program kali ini merupakan penganjuran kali kedua dijalankan secara dalam talian rentetan daripada program Festival Bahasa 4.0 yang telah diadakan secara dalam talian buat julung kalinya pada semester sebelum ini. Sebelum ini, program ini telah dijalankan secara bersemuka di sekitar kampus UiTM Kuala Pilah sebelum bermulanya Perintah Kawalan Pergerakan (PKP).



Contoh Video Pertandingan

Sebanyak lapan (8) aktiviti bahasa telah dipertandingkan di bawah kategori Bahasa Inggeris, Bahasa Arab dan Bahasa Mandarin. Program ini telah berjaya menerima 70 penyertaan daripada pelajar UiTM kampus Kuala Pilah. Aktiviti-aktiviti tersebut adalah seperti berikut:

- Bahasa Inggeris
 - Storytelling
 - Film Review
 - Singing
- Bahasa Arab
 - Hayya Natakallam (Perbualan Bahasa Arab)
 - Video Tasrif (Video Kata Kerja Bahasa Arab)
 - Video Kaligrafi
- Bahasa Mandarin
 - Singing
 - Video Kaligrafi

Walaupun terdapat sedikit trend penurunan daripada segi penyertaan berbanding Festival Bahasa 4.0 pada tahun lepas, namun ahli jawatankuasa dan peserta Festival Bahasa 5.0 sangat komited dalam memberi yang terbaik bagi menjayakan program ini.



Contoh Video Pemenang



Majlis Penutup Festival Bahasa 5.0



Ucapan Timbalan Rektor HEA dan Ketua Pusat Pengajaran Akademik Pengajaran Bahasa di majlis penutup.

Pihak penganjur sangat berharap agar Festival Bahasa akan datang dapat dijalankan secara bersemuka agar para pelajar dapat merasai sendiri kemeriahuan program ini sekaligus memupuk semangat untuk bersaing sesama mereka secara positif.

Majlis penutup program Festival Bahasa 5.0 telah diadakan pada 24 Jun 2022 secara langsung di saluran YouTube Akademi Pengajian Bahasa Kuala Pilah. Majlis ini dimulakan dengan ucapan Timbalan Rektor Hal Ehwal Akademik Dr. Noorlis Ahmad, ucapan Ketua Pusat Pengajaran Akademik Pengajaran Bahasa Dr Sharifah Sheha Syed Aziz Baftim dan pengarah program. Pada majlis penutup ini, pengumuman pemenang bagi setiap kategori telah dijalankan dengan cara menyiaran video senarai pemenang yang terlibat. Majlis ini dapat ditonton oleh semua pelajar dan pensyarah secara langsung tidak kira di mana mereka berada. Hal ini merupakan salah satu inisiatif dan matlamat program ini dijalankan dengan melibatkan penggunaan aplikasi teknologi dalam menjayakan program festival bahasa secara dalam talian. Justeru, semua pelajar yang terlibat secara langsung atau tidak langsung dalam menjayakan Festival Bahasa 5.0 kali ini sedikit sebanyak diberi pendedahan mengenai aplikasi teknologi dalam pembelajaran bahasa secara khusus dan pembelajaran secara umum serta dapat meningkatkan kemahiran berfikir secara kritis dan kreatif para pelajar dalam menyelesaikan masalah atau tugas yang diberikan selain daripada meningkatkan kemahiran dalam penggunaan bahasa Inggeris, Arab dan Mandarin dalam kalangan pelajar.